

Organizacija za evropsku bezbjednost/ sigurnost i saradnju (OSCE) Kancelarija/ Ured za demokratske institucije i ljudska prava (ODIHR)

Najbolja iskustva iz prakse za uključenje Roma u društvene tokove na Zapadnom Balkanu

Projekat pod nazivom Najbolja iskustva iz prakse za uključenje Roma (skraćenica na engleskom: BPRI) predstavlja regionalni projekat na području Zapadnog Balkana. Cilj projekta je doprinos uključenju Roma u društvo, u kontekstu preuzetih obaveza u procesu mogućeg pridruženja Evropskoj uniji, kao i obaveza koje proističu iz članstva u OSCE-u.

Kao dio OSCE-ovog Akcionog plana za unapređenje položaja Roma i Sinta iz 2003. godine, Dekade uključenja Roma i državnih vladinih strategija za uključenje Roma, vlade, nevladine organizacije i romsko civilno društvo u regiji Zapadnog Balkana zajedno rade na promociji društvenog uključenja Roma i bore se protiv diskriminacije sa kojom se Romi suočavaju.

Generalni Direktorat za proširenje Evropske unije održao je nekoliko konferencija o uključenju Roma na visokom nivou, uključivši sve vlade zemalja regije, a koje su rezultirale nizom zaključaka i obaveza. Vlasti moraju povećati svoje napore i pronaći inovativna rješenja, kako bi Romi zaista imali koristi od tih zaključaka i obaveza. Organizacije civilnog društva, posebno romske nevladine organizacije, moraju nastaviti zagovarati reforme, predlažući rješenja, koja su sveobuhvatnija i podizati nivo svijesti o položaju Roma.

BPRI projekat će podržati ovaj proces, promovišući inovativne programe i posredujući u procesu ostvarivanja saradnje između vlasti na lokalnom i državnom nivou, nezavisnih institucija i civilnog društva.

Detalji o projektu:

Gdje:
Zapadni Balkan

Ciljna područja:
Albanija, Bosna i Hercegovina, Hrvatska, Kosovo*, Bivša Jugoslavenska Republika Makedonija, Crna Gora i Srbija

Projekat sprovodi:
Kancelarija/Ured za demokratske institucije i ljudska prava (ODIHR), u saradnji sa terenskim misijama Organizacije za evropsku bezbjednost/sigurnost isaradnju u Evropi (OSCE)

Kada:
januar 2012. godine – novembar 2013. godine

Budžet:
3,3 miliona EUR

Finansiranje osigurali:
Evropska unija (90 %)
Države članice OSCE-a (10 %)

“Ovaj projekat je od presudne važnosti u pružanju pomoći vladama i civilnom društvu u regiji u njihovoj borbi protiv diskriminacije, te promoviše jednake mogućnosti za Rome, osiguravajući da romske zajednice, njihovi predstavnici i civilno društvo, imaju odgovornu ulogu nad sveobuhvatnim i održivim programima u cilju unapređenja položaja Roma.”

Ambassador Janez Lenarčič
Direktor OSCE-ove Kancelarije/ Ureda za demokratske institucije i ljudska prava

* Ovaj naziv nije pristrasan u pogledu stavova o statusu i u skladu je sa Rezolucijom br. 1244/99 Savjeta bezbjednosti Ujedinjenih nacija i Mišljenjem Međunarodnog suda za pravdu o proglašenju nezavisnosti Kosova.

Organization for Security and Co-operation in Europe Office for Democratic Institutions and Human Rights

BPRI projekat ima pet glavnih komponenti:

1. Učestvovanje/Sudjelovanje u političkom i javnom životu i u procesu donošenja odluka

Projekat ima za cilj identifikiranje potreba i resursa za provođenje državnih strategija i akcionih planova, te će se fokusirati na sudjelovanje Roma na lokalnom nivou. Najbolja iskustva iz prakse će biti odabrana i korištena za pripremu zajedničkog protokola za pružanje pomoći lokalnim samoupravama, da definiraju i provedu inicijative podsticanja sudjelovanja Roma. Posebna pažnja će biti posvećena uključenju Romkinja i motivisanju Romkinja da se zalažu za svoje interese i prava.

2. Pristup pravnoj pomoći

Najbolja iskustva iz prakse će biti predstavljena za pristup Roma registraciji – posebno raseljenih osoba, izbjeglica i migranata, te će se ta iskustva podijeliti sa nadležnim vlastima, pravnim i drugim stručnjacima. Projekat će istaknuti politike djelovanja i praktične metode u regionalnim kontekstima, a koje ukazuju na administrativne i finansijske prepreke za registraciju. Istovremeno, nosioci projekta će osmisliti i sprovoditi kampanje s ciljem obavješćavanja Roma o procedurama registracije i ohrabrivati ih da podnose zahtjeve za lične dokumente. Ovo će biti rađeno u saradnji sa romskim civilnim društvom.

3. Legalizacija stambenih jedinica i naselja

Projekat će zagovarati legalizaciju romskih naselja pružanjem informacija o primjenjivim standardima, administrativnim i pravnim propisima, neophodnim koracima i dobrim primjerima iz prakse. Kako bi se postigao ovaj cilj, radiće se uporedo, kako sa lokalnim samoupravama, tako i sa romskim zajednicama. Organizovaće se kampanje, kako bi se osnažili Romi da utvrde svoja stambena prava i dodjeljivaće se mali grantovi za inovativne i održive inicijative za naselja, koja su legalizovana ili koja tek trebaju biti legalizovana.

4. Borba protiv diskriminacije i isticanje uloge romskih zajednica

Institucionalizacija prakse zabrane diskriminacije će biti promovirana širom regije, sa fokusom na unapređenje pristupa Roma obrazovnom, zdravstvenom i sistemu socijalne zaštite.

Istovremeno, projekat će se baviti javnom diskriminacijom i predrasudama prema Romima, pružajući priliku za javne medijske kuće i novinare da prezentiraju nepristrasnu sliku o Romima putem dokumentarnih filmova, medijskih izvještaja i obuke za novinare.

5. Regionalna saradnja

Projekat će promovirati regionalnu saradnju kroz bilateralne i multilateralne sastanke stručnjaka putem i pružanja prilike vlastima i civilnom društvu da razmijene svoje stavove.

Možete nas kontaktirati na:

Ul. Miodowa 10, 00-251, Varšava, Poljska

Tel: +48 22 520 06 00

Fax: +48 22 520 06 05

bpri@odihr.pl